

十朝东华录

咸丰朝

第九册

第九函

十一月丙寅朔諭內閣戶部奏山東河南應解京餉請嚴飭解交一摺山東河南兩省應解京餉銀兩經戶部屢次奏催日久未獲報解各該撫身任封疆當此需餉孔亟之時仍復任意遷延實屬疲玩已極崇恩英桂著先行交部議處仍著該撫等按照戶部所奏自本年六月為始將每月欠解銀五萬兩迅速派委委員如數起解勒限於十一月內到部倘仍前延宕即著該部據實嚴參以儆玩泄至山東省地丁銀兩積欠至一百七十餘萬尤屬不成事體前經降旨飭催報解並指撥東三省俸餉各款著崇恩一體迅速起解毋誤要需致干重咎○河道總督楊以增奏捻匪張彥等於本年七月間前赴山東嶧縣滋擾旋又駕船五十餘隻突至銅山縣之青山泉肆行焚掠經徐州道王夢齡飭派文武兇捕將大股擊散復據派通判于贊隨同怡良原派之知府毓彬等馳往該處協率餘匪茲據署徐州鎮興慶與王夢齡稟稱先將張彥之母張趙氏妻張王氏獲案並將張彥等板橋小塔山匪巢燒毀探知張彥杜四李大選遁入邳州蘭山一帶合兵勇伴為撤退設伏要地張彥等聞官兵已退復至耿家灣委員毓彬等與地方文武帶兵兜剿該匪等聞放槍礮我兵奮勇齊進擊沈匪船十餘隻斃匪百餘名生擒二十五名張彥等駛船亂竄我兵分路跟追該逆逕至睢甯縣鮑家樓改裝登岸經知縣高丙謀率同練勇圍捕張彥被擒練總鹿肇侯等在朱李湖獲杜四候補直隸州知州張夢麟等在銅邳交界之宗家廟亦將李大選擒獲均經正法又蕭縣有永城擒匪朱萬周大幅各聚眾千餘劫掠亦經王夢齡與前任徐州鎮金鏞派兵往拏獲匪百餘生擒周大幅正法宋萬復率黨數千在永宿交界鐵佛寺盤踞該鎮道等帶領兵勇馳抵該處將宋萬擒獲正法餘匪潰散頃據探稟河南虞城縣有永毫擒匪千百成羣肆行焚掠該處逼近江境見飭徐州鎮道確探嚴防勿任竄入上諭楊以增奏遵旨飭率巨匪悉數就擒一摺江南銅山豐沛地方有土匪張彥等聚眾擄掠先經徐州道王夢齡派員兜捕擒獲多名楊以增復派通判于贊等隨同怡良原派之候補知府毓彬會率已將張彥杜四等先後於耿家灣鮑家樓等處擒獲並擊沈匪船多隻又經在籍團練之候補直隸州知州張夢麟署邳州知州焦華瀛在銅邳交界地方接獲逆首李大選均即正法該匪等結捻搶劫實屬罪大惡極見經該地方文武紳團水陸兜拏悉數獲均屬著有微勞所有出力各員著准其擇尤保奏毋許冒濫○諭軍機大臣等戶部奏庫款不敷支放請飭山西省籌款趕解等語上年因部庫積存不敷四年分支發之用經戶部奏明於山西省地丁項下撥籌銀一百七十萬兩嗣經該省解過銀八十萬兩見據該撫咨稱晉省藩庫支絀自係實情惟見在部庫應放之款需用浩繁仍著恆春悉心籌畫無論何款內暫行措銀四五十萬兩務於十一月內解京以供支放俟徵收下忙錢糧陸續歸款至昭克充商銀兩業經該省解過銀一百五十七萬兩其餘應繳銀兩並著飭屬催繳趕於年內解京將此由四百里諭令知之○諭沈祖憲奏徵郡防堵緊要需員督辦一摺徵甯為江浙門戶池州所屬青陽石埭東流建德貴池等縣皆與徽郡西境接連前

此逆船由大通河登岸並蕪湖賊船駛進內河俱經黃宗漢派令兵勇前往應援並派護杭嘉湖道徐榮前往徽州督辦防務茲據該學政奏稱黃宗漢欲令徐榮回杭而徽郡情形緊要必得統率有人事權方有專屬等語自保實在情形著黃宗漢何桂清仍留徐榮辦理徽郡防堵事務毋庸更易生手致有疏虞見在曾國藩等水軍已收復廬州追至九江即可直達安慶托明阿向榮和春福清等亦皆諭令分兵扼要協力進剿該逆奔竄無路恐其由徽甯窺伺江浙必須嚴密設防未可稍存大意黃宗漢不得因權任川督置身事外何桂清雖甫經到浙亦當悉心籌畫以副委任將此由六百里諭令知之○丁卯諭內閣楊需奏參帶兵官員疏懈無能等語副都統魁玉總兵楊昌泗督帶兵勇駐紮廬州之三道橋地方於敗匪潰竄之時不能奮力扼截致官兵有驚散情事雖經事後收集跟蹤追剿究屬約束不嚴疏於防範魁玉楊昌泗均著摘去頂帶以示薄懲儘再不知愧奮即著嚴參懲辦○諭軍機大臣等前因曾國藩等水陸官軍自廬州直下逆匪敗竄廣清黃梅當諭令托明阿向榮等撥兵向上迎擊截其分支四竄之路並嚴飭師船迅速上駛乃本日向榮所奏師船尚在浦口守風逆賊橫江橋鍊尚未攻斷同一鐵鎖橫江伎倆何以該逆用之田鎮而曾國藩等一戰敵之用之九洲洲而托明阿等屢攻不破殊不可解見在烏江一帶賊壘經袁甲三等派委恩錫張光第督兵進剿業已平毀無餘惟因水路無兵接應以致敗賊揚帆逃逸若吳全美葉長春能於攻破洲地賊營後即日駛赴上游自可水陸夾擊不但可爲楚師接應並可斷絕南北岸逆賊來往應援乃任意遷延水陸隔絕殊爲可恨著托明阿向榮即行嚴飭該總兵等剋日起碇將前次指撥各船悉數開赴上游沿江剿洗直抵蕪湖毋許再有推諉至曾國藩等斬斷田鎮賊鍊係分船四隊以一隊專管鐵斷鐵鎖以一隊圍攻其護鎖之船使之不能相救江路一開四隊賊船皆可分投焚剿下游江面較寬施展更易爲力江南北兩營師船之外尙有多槳快船豈不能酌量分隊做照辦理總由水師將弁不思設法以致賊鍊未能即破而我軍復自爲鎖纜攔截上游似此相持將使紅單各船終無上駛之期徒以俟湖北師船一到合力夾攻爲詞豈湖北一軍之外各營水師人員皆應坐視旁觀束手無策耶著托明阿向榮等於接奉此旨後即將攔江賊鍊迅速攻破斷不准再有遲延並將籌辦情形速行具奏如水師員弁有意玩延即著嚴行參奏其和含等處應如何分撥兵勇與袁甲三所派兵勇合力攻剿之處並著托明阿等安速籌辦但能洗淨一處即少一北竄之路並非專顧瓜州金陵遂爲該大臣等職分已盡也將此由六百里加緊各諭令知之○袁甲三奏永毫捻首蘇添幅等由豫省竄回亳州之新集五馬溝大頭家集等處分股盤踞嘯聚各路匪徒竄稱萬餘經知府張家駒副將朱連泰等督率兵勇進剿行抵寺兒集該匪已由新集盡擁而來我軍分隊進攻該逆分股抗拒人數倍於官軍西股賊匪先放火礮未傷我軍而賊中火礮被轟都司戴世熙即催兵施放連環槍礮一擁而進賊眾大敗東北兩股合併迎拒朱連泰奮勇當先張家駒繼之催督兵勇齊進賊匪潰散戴世熙朱連泰等分路窮追投殺計餘里殲賊五百餘人斃騎馬賊首三人生擒二十餘人該匪等經此痛剿皖豫軍威大振惟捻首蘇添幅未知去向各路探報五六十里內均無匪蹤惟西北王家岡丁家花園等處尙有餘匪

飭該文武各員乘勝追剿務將蘇幅等獲並將亳州境內先行掃蕩俟豫省兵到即行協剿並嚴飭潁州府陸希提趕緊前往會同辦理上諭袁甲三等奏連剿沿江逆匪平毀烏江一帶賊壘並剿辦逆匪懇請飭催河南援兵各摺片已寄諭英桂趕緊撥兵赴皖相機進剿正陽六安等處不得株守豫境矣據英桂奏見擬將信陽三關防兵撥赴陳州歸牛鑑調遣為近駐潁州遠扼正陽之計並稱信陽遣撤兵勇撥赴歸德獨多派委道員張維翰接辦防剿袁甲三酌量何處空虛亦可徑行檄飭牛鑑張維翰迅速派兵前進如該員等心存畛域有意逗遛即著袁甲三據實參辦惟督國藩等水陸各軍即日可抵皖境沿江賊黨勢必紛竄腹地袁甲三雖駐紮臨淮所有北路各州縣均須面面顧到亦不得泥守一隅不復設法籌及何處情形喫重即迅速督兵前往扼截萬不准有賊蹤跡准而北一面嚴飭陸希提趕赴市兒集一帶會同張家駒等迅將亳州境內搶匪按捕淨盡務將搶首蘇添幅擒拏懲辦毋令日久稽誅又致勾結蔓延該員職司守土無論所屬何處州縣伏莽未靖皆不容有所推諉即豫省搶匪一有竄入境內亦陸希提防堵不力之咎著飭知該員與帶兵各員務與歸陳各路調到兵勇聯絡聲勢或應合剿或應分捕亟行協力商辦以期淨絕根株至全縣和含各處賊黨聯貫直接東西梁山前已諱托明阿向榮等通籌分兵攻擊迅飭師船上駛由蕪湖伏港徑達安慶並令武慶等力守浦口兼與恩錫張光第併力籌剿本日復諭令設計斷賊鐵鎖以通江路和春福濟團攻廬州日久無功已屬罪有應得若能與托明阿等派到兵勇互相接應將東路賊匪先行掃蕩則廬城賊勢益孤更屬易於得手並須時時與袁甲三知會不得令剿餘潰匪潛謀北竄若懷兵城下以為藏身之固不復兼籌大局福濟巡撫皖省固已責無旁貸和春專剿皖賊並未能迅速辦理國法具在朕不能為該提督等稍從寬宥也將此由六百里加緊各諭令知之○諭旨國藩水陸大軍從田鎮進攻九江指日可抵安慶逆賊被剿緊急必由陸路紛竄皖省重兵聚於廬舒凡正陽六安等處均屬空虛袁甲三雖駐臨淮兵力較單勢難兼顧河南南路見已撤防正可撥兵前往以資截剿茲聞英桂奏報僅將信陽三關兵勇撥赴陳郡其或進駐潁州或往扼正陽尚俟咨商妥辦是豫省之兵見在全未出境著英桂即將撥赴陳郡兵勇酌量調往正陽六安等處相機協剿至邱聯恩駐紮光州牛鑑駐紮陳州與其為聲援何如帶兵前進之較為得力並著英桂斟酌情形將該二處防兵如何分派赴皖迅速籌辦該撫亦應出省防剿不得株守省城至歸德為上年逆匪北竄之路地方極為喫緊徐廣緒請假後張維翰是否可恃承差揆匪既經袁甲三等派員追擊仍著英桂嚴飭該地方文武會剿務將搶首蘇添幅等拏獲毋稍貽誤將此由六百里加緊諭令知之○戊辰冬至祀天於圓丘○庚午以捐輸軍餉承廣陝西朝邑縣學額七名涇陽渭南各三名郃陽二名咸甯富平三原韓城蒲城岐山各一名○王申諭內閣御史尹國珍奏揀選族屬佐領請將控告上司之員扣除等語向來屬員控告上司本有立案不行之例其或事經查辦情節虛誣亦皆按律懲辦原以儆刁風而維政體此案理藩院筆帖式瑞全呈控該旗都統揀選不公既經欽派王大臣等查訊確實是該筆帖式身負冤抑據情呈訴與事不干已肆行控告者不同何得因負冤控告目為違刁遽行扣除轉致不符定例所有

瑞全及其子承綺等均著毋庸扣除仍著該旗都統等遵照前旨秉公揀選毋稍偏徇○以奏報遲延降四川總督黃宗漢二品頂帶仍畱任○調浙江兵一千名赴廣東剿賊○癸酉諭軍機大臣等價格林沁等奏逆匪出巢痛剿獲勝一摺賊匪自上次誘出以後該大臣等並未實力進攻即初一等日三次撲我營盤均經擊退亦不過小有斬獲豈得謂兇猛之氣大遁於前該逆連日沿窺窺伺意圖出竄乃稱防守甚嚴不敢復撲似此遲延時日稍有鬆懈必致竄突他處見在天氣嚴寒各將士冒冷執戈朕每一動念輒爲心惻該大臣僅以圍困爲得計試問守而不攻豈能殲茲醜類況軍營衣領等項向恃捐輸若不趕緊攻剿勒指斷難爲繼連鎮並無城郭何至抗拒數月未能破其巢穴該大臣既知士卒艱苦情形即當激勵軍心迅圖攻取若必待逆賊出巢始行轟擊豈堅固不出即束手無策耶隆冬歲暮風雪在所不免此次既乘風奔撲則其狡諂伎倆必更伺我之隙肆其詭謀與其設計圍困不如迅速進攻該大臣等務當及早蒞事以慰朕懷不得自謂調度無能致令該逆久稽顯戮也將此由六百里加緊諭知價格林沁並諭西凌阿知之○諭勝保等奏續調官兵來營連日接仗情形並擬明之地道安用地雷合圍攻剿等語此次賊匪乘夜撲營拉開樹柵拋擲火彈雖經官兵擊斃甚多而礮營帳房業已被燒並於二十七八等日屢次出撲叩見該逆思竄甚亟勝保等見籌明它地道於城根安用地雷冀得轟開城垣著即迅速安辦惟賊情既已窮蹙斷不肯束手待斃該大臣等一面籌它地道一面仍當拚力進攻勿徒恃有地雷轟擊復蹈從前呂公車等覆轍勞費無效徒延時日該大臣等務當激勵將士速籌進取之計見在官兵業已到齊無可停待天氣迥寒士卒疲憊勝保以數月之功攻此區區之城而不下從前勇敢之氣日就銷磨殊不可解著即迅克復出其不意四路合剿毋再遲延自干重罪將此由六百里加緊諭知勝保並諭德勒克色楞額蘇崇恩知之○先是閩浙總督王懿德等奏銅禁禁嚴諸多未便請收五斤以上銅器其五斤以下者速弛其禁至產銅之地不止雲南一省陝西商州有人呈請開辦銅礦請飭該督撫認真採辦下軍機大臣會同戶部議至是奏收繳銅器應如所奏辦理五斤以下銅器仍准民間照常使用其產銅之區請飭陝西巡撫迅即委員確查以憑嚴辦從之○甲戌諭內閣向榮奏已革提督屢立戰功懇請免罪等語已革江南提督鄧紹夏前因充鎮江失守營盤降旨革職當營效力茲據向榮奏稱該革員自撤回大營後隨時帶兵攻剿本年馳援東甯轉戰太平攻奪采石無不身先士卒出奇制勝頗知愧奮鄧紹夏著免其治罪仍責令帶兵剿賊如果始終得力准其酌量保奏優賜施恩儘仍不知奮一即著該督撫參毋稍瞻徇○乙亥諭內閣福濟奏參省紳越境擾害擅殺妄爲請革職嚴訊一摺安徽壽州捐納員外郎孫家泰賤敢在六安州地方冒稱欽差假託防剿私用官刑擅殺四命謬妄已極紳士辦理團練原以保衛鄉閭該地方設有兇惡棍徒亦應鳴官究辦似此膽大妄爲實屬大干法紀若不從嚴究治何以戢殘暴而儆效尤孫家泰著即革職交福濟嚴行審訊按律懲辦毋稍寬縱○諭各省紳士辦理團練或經特旨派辦或由督撫及京員保舉原爲其熟悉情形禦賊保家可助官兵之不逮自軍興以來各省舉行團練紳士中實能秉公盡力捍衛閭閻者不乏其人乃本日據福濟奏安徽在籍員外郎孫家泰

假託團練擅殺四命殊堪詫異因思各省紳士團練原屬幫同地方官辦理即或職分較大總歸督撫統率如有惡棍土豪擾害地方仍應控官究辦何得擅自用刑罔顧法紀嗣後各省團練官紳務各懷遵迭降諭旨於一切勸捐練勇事宜均會同地方官和衷籌辦儻該地方州縣各存意見致相掣肘著該督撫嚴行參奏若該官紳等藉團練爲名營私擾累並著隨時稽查一併參辦將此通諭知之○和春等奏攻剿廬州復勝情形得旨雖先後斃賊千餘名實未能大挫兇鋒似此曠日持久爲最爾廬城牽掣大兵太覺不成事體明攻暗襲迄難成功汝等屢次奏報毫無把握負恩糜餉罪責綽綽有餘仍飭日攻復城池盡殲醜類勿再敷衍入奏也○丙子諭軍機大臣等駱秉章奏分路剿辦犯境粵匪獲勝一摺另片奏探防調援各情形此次廣東廣西兩省匪徒同時竄撲湖南邊界分擾桂陽道州等州縣猖獗之勢幾於應接不暇均經在事文武督率兵勇分投堵剿轉危爲安該省官紳協力同心以少禦衆各員弁兵勇亦能人人用命破陣衝鋒具徵敵愾同仇實堪嘉尚見在本省大兵多半隨征東下而鄰省兵力亦無可分撥各路竄匪雖經擊退仍須隨時激勵鼓舞以期捍衛地方該撫籌防東西兩路以郴桂永州爲重分飭江忠濟王鑫等統兵前往堵截彼此互爲策應所辦亦是惟連州賊勢甚熾韶郡見復被圍其灌陽賀縣之匪仍窺伺永明江華一帶兩路並重若專事籌防自不如相機協剿較易爲力前此調赴韶州援剿之辰沅官兵一千名當已行抵該郡能先將此股剿洗不但驛路疏通並可移此有用之勇以次援應他處著駱秉章妥籌全局既須固守本境藩籬勿令賊蹤復行闖入仍應無分畛域隨時飛飭帶兵文武及各地方官防剿兼施實力堵遏其粵東省城近日能否解圍並此外各屬賊情均著探明馳報以慰廑懷將此由六百里加緊諭令知之○以湖南防剿出力賞同知王鑫花翎餘升賞有差○丁丑 上諭 大高殿祈雪○己卯以江蘇清河縣練勇出力賞知縣吳棠花翎餘升補有差○庚辰楊需奏賊目偽丞相羅大綱偽指揮陳姓率安慶賊匪數萬竄入黃梅分踞廣濟知南岸官兵已下攻九江意欲乘北岸空虛上竄蕪黃窺伺武漢塔齊布自南岸率領陸軍及江會剿魁玉楊昌泗由清水河西路進攻殺賊二百餘名追至崇陽橋隨剿隨進抵廣濟縣紫雲塔齊布與羅澤南等由菩提壩南路進攻賊匪分路來撲我軍奮力衝殺賊勢潰散我軍乘勢縱擊陣斬黃衣賊目一名先後擒斬一千餘名收復廣濟縣城餘賊竄往黃梅復又屯聚距廣濟七十里之大河鋪官兵拔營前進行抵雙城驛賊匪二二萬人分三大股來犯塔齊布督同周鳳山羅澤南等分中左右三路迎擊痛加剿洗賊眾披靡魁玉楊昌泗後隊繼至乘勝追逐與塔齊布大軍縱火焚燒賊營四座殺賊三千餘名生擒九十餘名奪獲器械旗幟多件兵勇進逼城下復斬獲千餘名生擒一百餘名當將黃梅縣城克復餘匪散竄楚北境地一律肅清其分竄九江安慶賊匪經李孟羣彭玉麟等約會江西陸軍水陸並攻李孟羣親督戰船直趨九江城下見城外賊築礮臺三座江面有快船六隻雜船七八隻對岸築礮臺二座江心大沙洲紮營一座極爲堅厚又大木彈一座周圍築牆開孔安礮甚多彈下大戰船一隻又快礮等船三隻雜船百餘隻依泊洲後圍截江路李孟羣督兵衝過賊營進攻沙洲直趨上游焚燒賊船數隻殺賊數十人當將城外大小賊船一併燒盡礮臺內賊

匪無數復溯流回攻北岸沙洲轟斃陸賊數十人擄砍船上紅衣賊目落水又燒船數十隻將快礮各船乘舵坎斷轟斃黃衣賊首各船奮勇前進環攻掉下大船擊斃賊匪多名力戰四時始行收隊惟聞江西陸兵在十塘鋪等處接仗尚未得手臣行抵黃州計塔齊布必由黃梅出小池口與曾國藩會合擬令頭隊由黃梅進攻宿松太湖協攻安慶臣親督後隊駐廣濟黃梅之間以爲聲援並派兵勇分駐蘄州田鎮以通南岸聲勢惟江西水陸各軍既未得手賊踞九江而竄擾瑞昌南岸與國一帶情形喫重曾國藩見駐武穴臣擬前往面商機宜妥籌辦理上諭軍機大臣等所敘進攻九江情形似該郡賊黨尙復不少塔齊布渡江而北南岸官軍即不能得手是江西陸路兵勇殊不足恃塔齊布仍須渡回南岸攻克九江方能水陸會齊順流東下若塔齊布一軍由宿松太湖徑抵安慶而南岸兵力較弱則九江不能即克水軍爲所阻截未易聲勢隔絕此時曾國藩當已與楊霽會晤商詳細情形諒已奏報在途著卽南北兼籌勿致顧此失彼楊霽摺內有逆蹤竄擾瑞昌之語未據詳晰聲敘如果係大股分竄則該逆仍欲上窺湖北興國大冶一帶尙未可恃以無虞楊霽既駐黃梅廣濟之間與瑞昌僅隔一江自應酌量分兵渡江會剿先通水師之路然後能上保楚境下搆皖城諒前奏除桂明李光榮兵勇撤回外北岸兵勇尙不下一萬六千人與其分駐田鎮蘄州遙作聲援何如合力進攻杜其竄竄南北兩岸專恃一塔齊布奔馳追剿則湖北江西兩省官兵豈不均成虛設耶江西派出督剿之臬司惲光宸前任總兵趙如勝距省稍遠亦可由曾國藩等就近調度俾有稟承不可稍存畛域貽誤事機將此由六百里加緊各諭令知之○辛巳諭軍機大臣等英桂奏派兵赴皖令牛鑑進駐潁州並抽募兵勇赴陳督防一摺該撫見已添調副將希拉布等所帶山西兵赴牛鑑行營聽調加以前調赴陳兵勇八百餘名正陽一路足資控扼究須與袁甲三隨時知照聲勢方爲聯絡邱聯恩兵勇既未能全數赴皖卽當飭令該鎮將雷邱等處餘匪迅行剿滅不得以駐紮光州爲名頓兵安閒之地致所屬商民一帶匪黨橫行騷擾腹心之患六安見有添調之陝甘官兵前往駐守雖情形未甚喫重然亦須相機協剿毋但一意設防至該撫見擬抽兵募勇出省爲牛鑑後路應援惟歸德尙有捻匪未除或應駐陳州或應赴歸德英桂當體察事機緩急親往督辦但據外必先安內賊氛不靖固當示以兵威至地方偶有刁民聚眾滋事則專賴管轄之道府州縣善於彈壓不時撫馭有方必不至抗官滋事之案層見疊出若因抗納錢糧卽須移兵動眾徒事煩擾且恐激而生變該撫當嚴飭將敗賊等究其起釁之由剛柔相濟總期分別良莠擇尤懲治不至釀成事端動勞兵力方爲善策英桂統轄全省所屬稍有蠢動卽係該撫之責不得稍存大意將此由五百里諭令知之○河南巡撫英桂奏近日雷邱捻首丁心田等北遣散復聚黨數千分擾光息總兵邱聯恩馳剿擒斬多名另股巨匪李兆受時率夥黨至高固地方焚掠村莊等仇殺掠歸德又有亳州捻首蘇添福等疊肆焚搶臣派撥兵勇二千餘名前往剿辦袁甲三派兵會攻十月二十六七等日追員張維翰親督兵勇分赴虞夏商永等縣剿捕復擒楊新位等二十餘名復於二十九三十等日與皖省會哨台剿在亳境大顛家集擒獲捻首劉梟支牛田三丁三等二十六名又擒捻首韓金鑑閻全等二十九名潁州府知府

陸希湜等擊獲首匪李秉倉李秉聯等十名大股解散民悉安業嚴飭地方文武會同皖省各員合力兜剿務將蘇添幅等按名

擊獲臣前帶信陽兵勇俱已分撥出防見於省中另行抽兵募勇一候調齊即帶赴陳州督剿報聞○于湖北被戕州判魏作霖祭

葬世職○壬午曾國藩塔齊布奏逆匪自田家鎮經官軍痛剿偽檢點陳玉城統蘄州之賊竄踞廣濟偽僑燕王秦日綱統田家鎮之

賊竄踞黃梅及九江之小池口等處而偽冬官丞相羅大綱又帶長髮賊萬餘分布黃梅境內各要隘臣塔齊布督同羅澤南等統

帶陸軍分路進剿先後殺賊一千二百名當將廣濟縣城收復李孟羣統帶水師各船進抵九江城外分攻南北兩岸血戰四時

之久燒毀賊船四十餘隻殲斃賊匪五六百名擒獲黃旗黃徽紅衣槍礮子藥不計其數千總蘇勝把總鄭沐軍功李金樸均中礮

陣亡伏查該逆水中屢次大敗皆因民船太多被我燒毀頓失所恃此次民船甚少純用大小戰船抵死抗拒又以兩岸及洲中營

盤木簞互相保護局勢爲之一變欲攻江中之船必先破北岸之賊欲攻北岸之小池口必先破黃梅大河鋪孔壘驛之賊臣塔齊

布見擬督軍速下黃梅與水師合攻九江臣鄂城會同剿辦上諭內閣曾國藩塔齊布奏克復廣濟縣城並九江水師獲勝已於楊

需奏到時降旨矣所有此次力戰捐軀之守備銜千總蘇勝把總鄭沐均著交部照守備例議卹六品軍功李金樸著交部照外委

例議卹其水陸出力文武員弁兵勇著曾國藩等查明擇尤保奏○曾國藩塔齊布奏官兵克復廣濟後於十一月初一日在離黃

梅十五里之大河鋪大獲勝仗殺賊三千餘人踏破賊營五座見查黃梅縣孔壘驛及江岸之小池口悍賊尙多日內當有數次大

戰臣等陸軍單薄惟當步步謹慎謀定後進不敢稍涉大意至固原提督臣桂明一軍臣國藩曾與督臣商定咨令桂明駐紮黃州

以防賊由蘄州鈔襲後路是以該提督未能同赴下游報聞○癸未先是塔爾巴哈台參贊大臣英秀奏塔爾巴哈台原設綠營換

防官兵一千二十九員名屯工七處耕種兵七百名差操兵三百名遵議變通兵制酌裁浮費請於該處屯兵內酌撤兵二百一十

名差操兵內酌撤兵九十名滿洲官兵內酌撤兵二百名共酌撤滿漢各營官兵五百名每年可節省本處豐榮銀七千餘兩又本

處官廠牧放羊隻不下數萬除酌留孳生外餘俱賞賣與蒙古官兵以時價合銀計可得價銀二萬四千兩即在蒙古官兵每年俸

餉銀內扣畱一萬二千兩作爲兩年歸還並可裁撤牧羊兵二百名連前滿漢官兵共裁撤七百名通計每年可節省銀九千六百

兩下軍機大臣會同戶部議至是奏滿營換防甲兵在途在防均有鹽糧借支等項既據該大臣等酌量裁撤其一切鹽糧借支等

項均可嚴減於經費實有節省至羊隻變價以抵經費一節覈其所奏不但體恤蒙古官兵兼可撙節經費其節省銀兩應令該大

臣於估調經費時聲明扣除以昭覈實從之○于江西陣亡訓導劉芳槐等祭葬世職○甲申諭內閣吏部奏捐免試俸歷俸人員

與京察保薦例義未符請旨定奪一摺此項捐免試俸歷俸人員既得題升截取已屬從優所有京察大典自不得與資深人員同

登上考著各該部院堂官仍照舊章分別試俸歷俸年限辦理以符定制○諭載齡崇實奏遵查川省大吏收受陋規一摺各省規

禮陋習例禁嚴原以懲貪墨而杜黃緣若上司不能廉潔奉公又安望其正己率屬吏治之壞實由於此四川一省自總督以及

監司大員率皆通同一氣收受苞苴大吏以捐款爲名復陋規之實司道以廢削所得爲結納之資試思府州縣以取之於民者應司道之求司道又以索之於府州縣者飽督撫之欲似此營私肥己不顧廉隅無怪屬員之藉違刁風公務之日就廢弛甚至鑽謀賄屬朋比爲奸尙復成何事體即將裕瑞以下與受各員從重按律懲辦亦屬咎所應得姑念其官非一任事非一年本日已將裕瑞併奏革職其餘司道各員除另案查辦外已往之事姑予從寬嗣後該省一切陋規著永行禁革如有陽奉陰違仍蹈覆轍或另改名目暗復舊規者著該部從嚴定擬處分具奏以儆官邪並通諭各直省督撫督率監司大員務當肅清自飭潔己愛民毋得婪私贖貨自取愆尤僅屢訓不悛仍復罔知自愛一經發覺必即重懲勿謂寬典可恃遵也懷之○諭載齡崇實奏查明督臣訪辦謀逆重案草率定讞各情一摺前據四川學政何紹基奏總督裕瑞收受陋規並於鄭懷江等謀逆一案辦理錯誤特派載齡崇實前往四川查辦茲據奏稱鄭懷江等平日結會樹黨橫行鄉里復因糾眾爭奪解邦深石獅欲行械鬪以致居民驚徙實屬目無法紀立置重辟已足蔽辜裕瑞聽信把總曾芝荃等偵探之詞離經各屬查明聲覆仍固執已見輒以謀叛定案該督身膺疆寄於民命重情應如何詳審慎重乃有意傳會張大枉坐人罪非尋常錯誤可比且據載齡等查明該督平日有收受屬員陋規確據尤屬孤恩溺職撤任四川總督裕瑞著卽行革職所有會審承審各員四川候補同知沈英候補通判趙友泰署瀘州知州桂延督富順縣知縣徐繼鏞候補直隸州知州音德布琦齡並審轉未經結案之前著按察使清安泰及勘詳之前任按察使升任廣西布政使胡興仁均著交部分別議處其緝拏此案之知縣曠一清守備李春錦千總蘇光貴前經裕瑞請予議敘著卽撤銷竊南江縣知縣伊克精阿經裕瑞奏參革職茲既查明鄭懷江並無謀逆重情雖該員於地方棍徒未能嚴辦究屬疏於覺察伊克精阿著聞復革職處分仍交部議處○諭載齡崇實奏參道員聲名狼藉等語四川建昌道俞文詔經該侍郎等訪查該員前在首府任內把持公事自府廳以下各官均奔走其門聲名狼藉劣迹昭彰若非立予罷斥不足以儆官邪俞文詔著卽行革職○諭載齡崇實奏請將遲刁統法之把總懲辦等語四川把總曾芝荃謝洪恩於載齡等查辦鄭懷江案情彷彿到案畫供後輒復另遞親供蓋用鈐記經載齡等摘頂示懲曾芝荃袖出小刀自行刺傷臥地嚷鬧謝洪恩亦直撲公案大聲咆哮似此兇橫統法殊出情理之外曾芝荃謝洪恩業經載齡等咨明革職著卽發往新疆充當苦差先於本地方枷號兩箇月以示懲儆○諭軍機大臣等載齡崇實奏遵查四川各案審明定擬各摺片該侍郎等前奏學政何紹基不收水禮一節殊難憑信當經諭令再行確訪並查該員聲名如何未據該侍郎等覆奏何紹基原參四川各員稱藩司楊培善諛嗣有人奏俞文詔與該司聯爲一氣爲州縣代謀升調拜認師生是楊培之不能勝任藩司已可概見有無別項貪污劣迹並俞文詔索取行戶陋規得受廉商賄賄各款均著再行確查據實奏參毋得稍有不實不盡將此由五百用諭令知之○諭勝保奏連日攻賊情形並統籌全局等語覽奏殊多支飾該大臣擁兵高唐城下數月以來未建寸功據奏攻其西門南門翼可出其不意是必偵知該兩門賊勢鬆懈可以一鼓而進方爲確有把握乃不過誘殺廿餘人

仍屬不能得手所開地道與安設地雷亦未見迅速辦妥復以賊濠頗深又特籌加鑲板賊情詭詐其堅拒之計既百出而不窮而該大臣籌攻之具亦已多方屢試而不效可見兵法所謂知己知彼者該大臣直未講求節次諭令速圖進取毋再遷延豈最爾孤城臨以鉅萬重兵竟無制勝之策該大臣自知慚憤不思設法剋期攻克以贖愆尤轉慮及於東南兵力之不能兼顧以楚軍南下賊勢必致旁窺防兵偏戍生懈爲虞所言何嘗不中肯綮獨不知該大臣麾下將士裹糧坐甲聯偏幾年不免生懈耶見在楚境薄平曾國藩等埽除九江一帶賊匪後即可直搗安慶南北各要隘早經諭知各路統兵大員及各該地方大吏嚴兵扼守勝保所稱南賊於年內果無蠢動則北路可望肅清是直以南賊能否北竄爲高唐能否攻復之符驗舍己責人尤爲鄙倭不知東境之賊不過連鎮竄餘之匪爲數無多一經剿洗則南賊聞風膽落更不敢復萌北窺之心即連鎮賊巢亦失其犄角之勢勝保束手無策避辭飾非清夜自思能無羞愧且聞該逆並未關閉城門任意出入兵勇無人過問每於數十里外搶掠村莊劫取糧食僞任其陸續宵遁茫無聞知將來以收復空城入告糜餉勞師俾逆賊蔓延他處勝保尙有何顏見朕耶著卽懷遵前旨速籌攻復毋得於數日後具奏軍情一次以空言爲塞責也將此由六百里加緊諭知勝保並諭德勒克色楞善祿崇恩知之○乙酉 上復詰 大高殿新雪○展 西陵八旗兵丁應扣借支銀○丙戌曾國藩塔齊布奏賊匪自廣濟敗竄後逆首秦曰綱等分率各股屬聚黃梅縣城騷擾死守大河鋪立營五座塔齊布與羅澤南探明賊壘於十一月初一日進攻雙城驛賊匪二萬餘人乘我軍初至分三路來撲臣塔齊布與羅澤南周鳳山等亦分路迎擊右路之賊先潰周鳳山等奮登山岡衝殺岡下之賊亦潰惟中路賊排列漢岸死守不退屢戰良久我兵躍溪而過刺死悍賊數人該逆抵敵不住我兵分路追殺直逼大河鋪賊壘賊從營內衝出敗賊復行回撲羅澤南等揮軍進戰將賊營五座立時踏破共斃賊三十餘人生擒九十四名奪獲旗幟軍械馬匹無算該逆所聚之糧皆爲我有初二日進兵抵黃梅城初四日周鳳山等攻西門羅澤南等攻北門令彭三元等列陣橋西以待臣塔齊布與羅澤南繞北面溝港取道而入賊眾萬餘排列營棚槍礮火箭齊施臣塔齊布督率兵勇仰擊更番疊進鏖戰良久李續賓先偏木柵立斬執旗賊目數名羅澤南將益禮帶勇隨進彭三元等亦從西面越過二橋各勇從柵門躍入縱火焚燒賊勢大敗辰勇湖北勇從東南進道州各勇從西南進適魁王楊昌泗亦率兵勇由大河鋪至四面圍剿賊由營壘潰出經我兵刺斃二千餘人乘勢直逼北門城上賊匪倉卒奔潰各勇追殺千餘人入城後殺斃數百人當將黃梅縣城收復臣塔齊布與羅澤南等入城安撫難民餘賊下竄宿松太湖其大股仍屯踞孔壘驛小池口臣曾國藩已飛咨楊需桂明卽日整隊東來於梅濟交界處擇要駐紮以堵西竄之路臣塔齊布卽日進搗小池口與水師會合先剿北岸次清江面然後渡江以圖攻克九江此次千總周友勝爭先陷陣殺賊甚多請以守備補用賞換花翎守備余星元滕國獻均請免補守備以都司補用擬保守備王映軫被戕最慘懇恩照守備例賜卹又奏前月江西戰船在姑塘被賊撲營小有挫失我軍水師防範愈嚴十一月初一日賊船數十前來撲營李孟羣督彭玉麟等各營奮力圍攻轟斃賊匪無

數塵戰三時卒未能大挫兇鋒皆因兩岸賊營太多水陸依護抗拒甚力我師與陸軍隔絕孤懸大江介處賊營之中晝夜戒嚴該逆每夜以火毬火箭近岸拋擲連日雨雪交加水師船泊中港則爲風波所撼泊岸邊則爲陸賊所撲故日來水軍勞苦有倍過於田鎮以上者臣等查近日剿辦情形賊匪搶掠焚毀日甚百姓恨之切骨臣軍所到處民皆願爲偵探嚮導兼之今年兩湖三江年穀豐收萬民樂業翹首望治各省餉需解到軍士飽騰臣等全軍二萬人悉皆和睦幾如家人骨肉之聯爲一體軍事略爲可恃惟江西水師自姑塘失利退紮吳城該逆水陸夾撲江省戰船四十餘號盡被搶奪旗幟械皆爲所有該逆見在安徽仿照我軍船式新造戰船三十餘號意圖西上賊艘益增其氣益熾若使屯踞湖口梗塞於鞋山姑塘之間內窺江西外拒我軍地形險隘勢難遽下我軍與江西咫尺隔絕不能相通探聞九江之賊出撲總兵居隆阿營盤湖口之賊分窺饒州臣等陸軍單薄南北不能兼顧而且轉戰千里亦恐疲於奔命將領中求其獨當一面者殊難其人水師營中楊載福以積勞致疾何越班以受傷出營陸路諸將皆勇多謀少設有敗挫無能措指臣等隱以爲慮目今之計惟有力攻小池口孔聖驛之賊紮營江岸使水師得所依護待督臣楊需抵黃梅後北路足資堵禦然後臣塔齊布與羅澤南全師渡江以圖攻克潯郡臣上諭軍機大臣等我軍克復廣濟後於初四日收復黃梅是陸路一軍頗爲得手惟大股逆匪尙聚於孔聖驛小池口等處我軍水陸兩路聲勢未免隔絕況江西水師未能得力兩岸賊營甚多水陸抗拒曾國藩水上一軍分處賊營之中情形頗覺危險據奏所慮各端甚爲周密此時自應於屢勝之後倍加慎重萬勿稍涉孟浪致誤事機儘將孔聖驛等處賊匪剿盡紮營江岸使水師與陸路互相聯絡然後相機進剿庶不至有顧此失彼之虞楊需見駐黃梅廣濟之間即應督飭魁玉楊昌泗等迅速進剿北岸一帶即責成該督實力攻剿俾塔齊布羅澤南等可以全師渡江爲圖攻九江之計若專恃該提督一人奔馳南北兩岸徒勞兵力更恐銳氣銷磨於攻剿轉無裨益江西帶兵之臬司惲光宸前任總兵趙如勝等已有旨由曾國藩調度儼該員等不知奮勇剿賊即當嚴參懲辦逆匪搶奪江省戰船四十餘號又在安徽造船七十餘號意在拌力死拒該侍郎等務當督飭水陸各軍謀定後戰設法迅圖克復九江郡城毋令逆賊盤踞日久牽掣我軍將此由六百里加緊各諭令知之○予江南陣亡參領永陞等祭葬世職○丁亥諭軍機大臣等葉名琛柏貴奏省城北路剿匪連次獲勝一摺朕詳加披閱近省一帶辦理似有頭緒該督等摺內所敘均係八月內情形見在閏時又將三月自必續有勝仗近省各匪巢窠可悉數掃除該省滿漢官兵同心協力紳士壯勇均能聯絡勇往正當此軍威甚盛之時一鼓作氣肅清巢穴根本既固然後安速布置將東西北三處匪徒漸次剿辦著穆特恩托恩東額葉名琛柏貴督飭滿漢各營將弁兵勇激勵在城官紳士庶迅速將附城匪巢及所轄各屬匪巢全行撲滅毋畱餘孽以淨根株至東路潮州各屬據本日奏報剿辦尙爲得手但以本地之兵禦本地之賊誠恐轉戰力疲若省城能一律收定則移得勝之師分路四出東會閩兵救應潮州西會廣西官兵攻復肇慶北會江西湖南兵勇疏通南韶大路皆可措置裕如見在王懿德所派籌泉兵勇二千名已交總兵虔寅督帶由海道前進略棄章所派

辰沉兵一千名已交署遊擊龍金源管帶於十月初四日由長沙啟程陳啟邁所派南康練勇三千五百名已由始興進剿勞崇光所派之右江道張敬修計日亦可出境各路援兵四集必須本省官兵大振聲威爲之倡率方能合力兜剿廣東民氣素強兵力亦足見雖各屬匪徒蜂起一經辦有端倪諒不難次第剿除也將此由六百里諭令知之○予河南陣亡副將春明祭葬世職建祠廣東傷亡知縣倪森祭葬世職○戊子諭內閣惠親王等奏請飭山西採辦鐵斤解交京局以資鼓鑄一摺見在鐵錢局四廠開鑄鼓鑄需生鐵一千二百萬斤僅就附京地方採買不敷應用著山西巡撫卽飭藩司迅派廉能可靠之員如式採辦務於咸豐五年二月以前先將一半生鐵六百萬斤解交京局毋得稍有短絀致誤要需所需工本運費卽在該省藩庫錢款項下作正動用再由鐵錢局卯錢內照數劃出按月解交戶部以抵該省應解部庫之款其每年例解鐵斤既經停解仍將節省價餉銀兩解交部庫以清款目○諭軍機大臣等蔣蔚遠趙萬春奏安南匪徒滋事並督臣在營病故等摺片遵義大營剿辦滇黔兩省官兵爲數不少正當攻剿喫緊之際而督師大員遽爾出缺軍情不無惶惑趙萬春以本省提督統轄全軍責無旁貸務宜一面鎮定軍心一面運籌撲滅若稍事耽延致令負隅日久雖遵義興義相距尚遠未必遽至蔓延句結而南北兩路同時蠢動黔省餉絀兵單勢將不可收拾該撫見駐紮札佐距省城甚近雖云居中調度仍不可一味株守以見在賊勢而論遵義一路兵力甚厚且有川省之兵前後夾擊興義匪徒亦係烏合初起金剛保所帶兵已有一千五百名加以前調滇兵七百名亦儘敷剿辦該撫務須統籌全省大局以先期遵義爲要興義一帶卽責成金剛保福連迅速妥辦毋任遷延將此由六百里諭令知之○雲貴總督羅興典卒予祭葬卹蔭諡文愷賞其孫清提舉人○以恆春爲雲貴總督兼署雲南巡撫調王慶雲爲山西巡撫吳振斌爲陝西巡撫未到任前命工部右侍郎載齡署理以舒興阿爲雲南巡撫由塔爾巴哈台○以貴州安南縣城被賊竄陷革知府張鏐等職仍舊任剿賊○綏遠城將軍善祿卒予祭葬卹蔭諡勤壯○予貴州安南殉節知縣朱右賢祭葬世職建祠○己丑袁甲三奏蘇添福在寺兒集戰敗後餘眾逃匿官兵分赴新集王家岡丁家花園顏家集各處追捕先後獲首夥李秉官等八十餘名陸希湜張維翰等會商以該匪並無大股無庸眾兵會集遂各歸各境沿途復罕獲馬老虎石洪等四十餘名復探得毫境泥臺店蔡家莊等處尙有伏匪分兵前往掩獲多名內有大搶首丁士彥張巨善劉根等三犯卽時正法又搶首張傳傳聞前在寺兒集被殲轟斃又王太柱卽王秉善見充勇目暗中通匪業已鎖押責令計拏蘇添福並以誘餌張落刑如能得手不難同時剪除臣派出文武各員以南路逆匪被剿窮蹙是必須嚴防紛竄已札令陸續撤隊暫回臨淮大營聽候差遣該文武等著有微勞懇恩給予獎敘上諭內閣此次剿辦回甯亳州擒匪以少擊眾及早殲除在事員弁均屬著有微勞卽補副將朱連泰著賞加總兵銜都司戴世熙著賞換花翎知府張家駒著賞戴花翎○諭袁甲三等奏進剿廬舒以南逆匪一摺並片奏續獲勝仗等語賊匪竄擾桐城並於大小兩關踞險抗拒經袁甲三等派令參將劉玉豹等帶兵進剿該逆紛紛倒退回扼大關賊紆青等分帶兵勇三路進取賊眾擾亂我兵長驅入關窮追至白沙嶺計自

午至酉連奪兩關餘匪竄奔桐城劉玉豹賊紆青等進薄東南兩門躍過濠溝直抵城下廬江賊匪會合安慶賊匪來桐救援賊紆青等復合力鏖戰餘眾竄入街內其竄出北街者復被郭錦及文生鹿慶商等衝殺賊紆青自率大隊轉至賊後兜圍殲戮眾賊殆盡竄獲旗幟器械無算桐城為驛站通衢大小關為桐城要隘見已奪險薄城大兵所至沿途居民無不爭先迎叩鼓舞欣著袁甲三等即飭帶兵文武乘此軍威大振之時趕緊將桐城縣城克復以孤廬城賊勢所有出力員弁兵勇並著袁甲三等先行擇尤保奏候朕施恩○諭葉名琛柏貴奏剿辦省城北路股匪疊獲大勝攻毀賊巢一摺廣東省城北路匪徒經疊次剿洗後仍於佛嶺市嶺岡龍潭觀等處踞險抗拒葉名琛等飭令參將衛佐邦濟山等各帶兵勇分路進剿千總王大榮帶潮勇首先攻入龍潭觀縱火焚燒賊眾驚潰蕭祠賊亦慌亂衛佐邦乘勢揮兵闖入賊巢該匪潰奔當將龍潭觀蕭祠兩巢遂蕩六百餘座全行燒毀我兵分路前進鈔襲佛嶺市後道員沈棟輝揮兵乘勝圍攻火箭火毬打入賊巢遂廠延燒我兵奮力鈔擊該匪望風披靡紛紛奔竄賊營二十餘座全行燒毀統計旬日之間連破賊巢共斃賊二萬有餘斬首三千餘級生擒五百六十九名所有疊次尤為出力之將備員弁著該督等覈實保奏近省北路賊壘雖已漸次剿除所有逃往石門石井各鄉餘匪著該督等務即乘此聲威全行剿滅以靖地方○諭奕山圖仰布奏籌議牲畜變價抵給餉項一摺所有察哈爾額魯特兩營官兵應領餉銀著照該將軍等所請准其將伊犁見存牲畜估變銀五萬二千六百七十八兩零以抵該官兵餉需分作三年抵扣完款以示體恤○諭軍機大臣等此次賊紆青劉玉豹等帶兵進剿廬舒以南奪回大小兩關直逼桐城賊已失其所恃辦理甚為得手惟該員等所帶兵勇不及二千餘人而桐城南距安慶西距潛山東距廬江相去皆不甚遠我軍深入重地三面受敵即使克復縣城亦恐兵力過單勢難守禦臨淮等處即無兵可撥會國藩塔齊布水陸兩軍見在圍攻九江該處賊匪尚多亦恐不能期期抵皖賊紆青等攻剿桐城固不可遲延觀望亦不可銳進貪功致有挫失舒城距桐城僅一百二十里秦定三在彼督兵攻剿勢易聯絡著和春等即飭該提督迅速籌撥兵勇駐紮大小關以為賊紆青等後路聲援該處為舒城安慶往來之路今為我軍所奪不特舒城之賊勢已孤即廬州之賊亦必氣奪和春等正當乘此機會一面督飭秦定三迅攻舒城一面嚴飭各營兵勇進剿廬州如能克復郡城即可統兵南下與賊紆青等合力進剿儘再事遽延致大軍為其牽掣和春等貽誤之咎斷難寬宥逆匪在林母圩偷結賊營業經署臬司恩賜廬風道張光第督率兵勇攻毀賊壘惟和州含山尚未克復浦口一帶賊船往來屬集著飭該員等隨時偵探相機進剿勿得株守一隅其上游賊竄之匪並著實力堵禦毋稍疏懈將此由六百里加緊諭令知之○庚寅晉封 懿貴人那拉氏為 懿嬪○祁雋藻因病乞休命以大學士致仕命買瑛為大學士調翁心存為吏部尚書以周祖培為兵部尚書許乃普為左都御史轉張祥河為吏部左侍郎調卓樞為吏部右侍郎○辛卯諭內閣軍興以來需餉浩繁籌撥帑金已不下數千萬兩各省督辦理捐輸頗為踴躍捐貲各生疊經降旨優加獎勵陝西省素稱富庶且民風淳樸好義急公前經王慶雲奏請捐借並行聞此時為數尚屬無多固由民力或荷

未齊亦該地方官未能設法勸諭所致見在楚中水陸大軍建瓴東下由潯院直趨金陵其餘各路軍營亦頻經奏捷方期迅掃妖氛與吾民共登衽席軍餉要需尤應寬爲籌備所有陝西省捐借事宜仍著責成該撫督率藩司飭令該地方官會同特派勸捐之在籍紳士等妥爲勸導俾身家殷實者均得遂其輸將之悃一俟集有成數卽由該撫迅速奏報俟朕優加獎敘任令屬吏等抑勒侵漁藉滋蒙混以致該紳民等遷延觀望有誤要需惟該撫是問○王辰惺格林沁等奏連鎮賊匪受創數十次時思濟竄連日窺撲瑞麟都興阿等營牆均經官兵奮勇擊退先後斃賊無數該逆窮蹙愈甚防守愈堅臣等每欲進攻該逆無分晝夜在壘瞭望並埋伏多名擊槍以待不容我兵進撲無隙可乘陸續投出民人六十餘名據稱情願殺賊報效臣逐一查看俱係誠心向順見在賊糧僅敷一月該逆斷不肯束手待斃勢必舍命奔撲臣等已諄飭各營加意嚴防乘機進攻大約年內可望肅事上諭軍機大臣等連鎮逆匪屢次伺隙撲援營盤該大臣等僅能待其出撲後擊退回巢並不思實力進攻此次所陳擊敗各情亦屬仍前敷衍覓賊多寡亦無確數據云年內可望肅事卽使實有此把握又豈得謂之迅速耶所奏賊多設伏以待不容我兵進前以數萬官軍勦此窮寇若竟任其死守不圖進取日久相持兵糧支絀思之憤悶所有投誠賊匪恐不可恃尤應留心駕馭勿墮奸計當此天氣沮寒士卒疲乏該大臣等惟當激勵各營文武趕緊籌攻斷不准再延時日致生他變節次批示及所辟諭旨備極詳明別無可諭矣將此由六百里加緊諭知惺格林沁並諭西凌阿知之○癸巳 上再詣 大高殿祈雪○諭軍機大臣等本日據陳啟邁奏安慶逆匪分竄九江湖口擾及吳城一招又據和春福濟奏楚北敗匪由太湖竄至英山縣城失守等語湖北逆匪經曾國藩等大軍痛剿之後餘匪竄入皖境本屬意中之事惟和春等攻剿廬州兵力不敷分撥袁甲三駐紮臨淮亦恐兵力較單勢難兼顧此時安徽北路情形喫緊楊霽見駐黃梅廣濟之間該處與皖境毗連該督應卽相機移師前進逼賊北竄之路著卽悉心籌畫迅速辦理毋得以楚境肅清稍分畛域至安慶逆匪分竄九江擾及吳城江西兵勇業經失利既不能與曾國藩等會合剿擊且恐該逆深入江西牽掣我師則曾國藩等水陸諸軍亦難直抵安慶孔壘驛小池口等處賊匪是否業已殲除塔齊布等能否渡江攻剿潯郡此時該侍郎等所帶兵勇雖不能分撥赴吳城協剿亦當設法兼顧毋令分竄總之上游攻剿得手則江西安徽皆匪蹤所必至楊霽等務當統籌全局使水陸各軍聯爲一氣將濱江兩岸賊氛以次掃除實深股盼將此由六百里加緊各諭令知之○諭前因曾國藩等水陸各軍節次於蕪黃田鎮等處大挫賊鋒朕卽慮楚軍得勝之後該逆必紛紛旁竄諭令和春等趕緊克復各城毋使大兵爲賊牽掣致逆匪被偏有北竄之慮乃本日和春等所奏廬舒各營攻剿情形均不過小勝而博勒霍布等所帶兵勇雖入太湖縣城卒被敗匪攻陷英山亦復失守固由該提督等兵力未能兼顧亦因廬州等處未卽克復致竄皖之賊分支突入剿辦又多棘手見在含山官渡烏衣鎮一帶雖有李鴻章恩錫張光第等在彼駐紮攻剿惟皖省土匪本多若再與逆賊勾結勢更蔓延見已諭楊霽就近由楚分兵前往堵剿而賊情飄忽該提督等仍當嚴飭秦定三迅復舒城以便移兵往剿如果事機緊急卽著秦定三

酌派弁兵馳往應援其六安一帶卽飭知州茅念劬糾集鄉團以資堵禦其前調河南防兵一千名幫同玉崑防守正陽一節已據英桂奏稱飭牛鑑帶兵前往善會袁甲三迅速迎提扼守要隘和春等師久無功僥復不能過城北竄朕必重治其罪將此由六百里加緊諭令知之○諭此次官兵連攻九江不能得手多有傷亡以致賊匪分股擾及吳城焚擄戰船八十餘隻逆猖狂殊深憤聞吳城距省甚近設被賊入踞窺伺省城關繫非細本日已將江西緊急情形諭知督國藩等令其斟酌辦理但督國藩等攻剿江面賊船正在喫緊能否分兵助剿殊難懸定塔齊布等陸路一軍須攻克孔壘驛小池口之後始能渡江進取潯城此時陳啟邁務當嚴飭帶兵員弁趕緊將吳城賊匪悉數殄除以固省城藩籬至九江兵力疲弱仍著責成居隆阿挑選精壯認真訓練以資攻剿勿專待楚軍援助致失機宜將此由六百里加緊諭令知之○河南巡撫英桂奏邱聯恩督剿光屬捻匪擒獲巨捻丁心田歸德一帶捻匪自張維翰接辦後頗爲得手惟輝縣刁民糾眾數千任意抗拒開封衛輝二屬人心亦覺浮動見當漕糧緊要擬暫駐省城就近調度俟情形稍定再行前赴歸陳擇要督防得旨一切情形均悉張維翰雖已被參然督防尙屬得力著暫酌量防亦可至輝縣不至釀成巨案方好○予江南陣亡遊擊海明等祭葬世職○撥河南司庫銀十五萬兩備安徽軍需○甲午諭內閣京師入冬以來未霽雪疊疊經降旨設壇祈禱並親詣大高殿行禮迄今已逾旬日尙未霽需祥翼朕胥肝焦勞時勤修省因思清理庶獄冀可感召天和所有刑部及順天府見審人犯或因未經定案久羈囹圄疾病顛連情殊可憫著該衙門督飭承審各員將已結未結各案逐一清釐具有情節可矜甚至含冤待白者務卽悉心研鞠立予平反至問徒以下輕罪人犯以及干連待案候質人證訊明後卽行發落省釋毋任稽遲積壓拖累無辜此外尋常案件並著速行完結以期翕應祥和用副朕欽恤惟刑之至意○是月展緩兩淮富安等十四場被水蠲地新舊額賦甘肅河州等八州縣舊欠額賦及涇州等九州縣新舊銀糧草束

咸豐東華錄四十三

十二月乙未朔諭內閣扎拉芬奏等奏喀爾喀扎薩克圖汗賽音諾顏二部落汗王貝勒貝子公扎薩克台吉等及所屬部落扎薩克郡王桑噶錫哩等見因逆匪尙未剿除淨盡情願捐馬二千一百餘匹以備軍營調用等因呈請代奏請旨一摺喀爾喀扎薩克圖汗賽音諾顏二部落汗王貝勒貝子公扎薩克台吉等情願捐馬二千一百餘匹以備軍營需用洵屬衷悃出於至誠實堪嘉獎惟該汗王等悉賴此項牲畜度日且各處逆匪業經官兵屢次獲勝殲斃多名殘喘乞瘠自可指日剿除著扎拉芬奏等將此轉諭該部落汗王等其所捐馬匹均著毋庸賞收以示朕嘉獎蒙古體恤世僕之至意○丙申諭內閣會同藩等奏請將帶勇滋事之員革職治罪等語同知銜卽選府經歷縣丞李光榮管帶川勇協剿於該勇等強坐民船不給船價並將船戶砍傷有心庇護追師至漢口經會同藩等獲滋事之勇派員審訊李光榮膽敢率眾持械奪犯復縱容該勇攔江索詐駕船搶掠並於羅澤南杉營報館之時突往搶掠錢文傷斃長夫多名種種不法實出情理之外李光榮著卽革職鞫問交楊儒巖行審訊按律治罪毋稍寬縱○會同

藩塔齊布奏自我師北渡後該逆三次大敗皆僞王秦曰綱僞檢點陳玉誠兩股居多其僞丞相羅大綱率安慶新到之賊尙盤踞孔壘驛小池口一帶與潯郡之賊對江而營使逆船得依岸久踞老我水師本月初七日羅澤南督同李續賓等共四千人拔營前進行二十里至濯港地方突遇大股賊二萬餘人由孔壘馳至營於濯港小市之北羅澤南飭令諸軍堅伏不動相持五六刻該逆分一支從田壠繞山撲我東岡之師一支從湖尾撲我西岡之師而由中路進者獨多直逼岡前我東岡之勇一鼓而下斃執黃旗賊數名西岡諸勇旋亦衝出兩路賊潰分投追殺中路悍賊屢戰良久前書已死後者不遑東西官軍進至市前漸鈔中路之尾賊黨始三路同潰追入濯港市內斃賊四百餘人偏潯市西池中者八九百人其大股僞市南奔逃我兵沿途追殺又斃賊百餘人其小股由湖汊之西逃者湘勇分數隊往追寶勇繼之追至數里有伏賊從樹林中突出勢甚兇猛諸勇退卻陣亡三名李續賓等率勇由湖中橫隄鈔過湖邊之賊又潰追殺百餘人其斃賊約千四五百名生擒八十五名十一日塔齊布遣駐白湖渡十二日我軍全師進攻以北路軍隄太窄不能布陣乃至烏魚金壩訪有小路可繞賊巢之西南塔齊布帶各標從北路隄上入羅澤南帶勇從西南烏魚金壩分路而入殺斃前隊賊匪數百名追至孔壘驛賊見我兵三面環至施放槍礮子如雨下其悍者出牆迎戰勢甚兇猛我兵一擁而前悍賊亦入牆抵禦木石紛紛槍礮愈急我軍跟蹤乘之突入土城或三四人以肩爲梯互乘而入其尤勇者卓矛於地一縱躍入土城者已多而城外仍合成長圍賊黨無處可逃偏人東面寒流泥淖之中溺死者以千餘計奔入市中被諸勇追殺者約二千人因縱火大燒街市會西北風作孔壘市中數百家須臾灰燼諸勇環守賊眾鮮得脫者生擒長髮賊七十九名內有偽副丞相余幅勝一名總制陳姓雷姓二名師帥軍師十餘名立予正法國藩以孔壘既破小池口之賊必不能支即飛飭水師進擊李孟羣彭玉麟等於十四日卯刻進攻而小池口陸賊已於十三夜全數奔竄矣餘賊爭駕小划南渡我軍急起直追賊划駛近兩岸陸賊開礮護之都司秦國祿等衝煙進擊賊眾紛紛墮水擊沈賊划七八隻焚毀大木排一座復延燒洲上賊營一座遂縱火徧燒小池口陸路賊營煙燄蔽空彭玉麟乘勝追至新港復斃黃衣賊目一名賊遂披靡奔竄國藩卽於是夜泊紮九江城外十五日塔齊布亦至小池口水陸會合該逆於西門出數百人向江心施放槍礮李孟羣飭勇上岸追殺各戰船復轟礮助之賊始奔潰廣勇連擲火毬燒毀龍開河木城一座彭玉麟等遂率大隊直下湖口至扁擔洲邊焚毀賊船甚多各營遂分泊口內並口外之梅家洲八里江等處緊扼要隘連日據生擒並投誠之賊俱稱秦曰綱自黃梅大敗竄往舒城羅大綱自孔壘大敗卽日竄至小池口率其死黨千餘渡江連夜奔至湖口僞丞相林姓見踞九江與湖口相犄角將爲死守抗拒之計塔齊布於郡城上游渡江將繞出南路羅澤南於郡城下游渡江將圍攻東路水師扼截湖口務使賊所搶奪江西船礮全數兜剿不許竄出大江免貽後日無窮之累三路痛殲可期上復潯城下游湖口以制劇賊之命此次水陸兵勇廓清摧陷轉戰無前補用守備朱南桂冒險衝陣連撲賊營應請免補守備以都司補用都司童添雲每戰摧鋒不避矢石應請以參將升用其餘出力員弁兵勇請由等

覈明保獎仰候恩施其陣亡兵勇查明照例辦理又奏等一軍陸路實尙單薄北渡則不能兼顧南岸南渡則不能兼顧北岸屢欲添調兵勇然非實在得力之軍則無益而反有損是以倍加審慎見在由小池口南渡上則攻圍潯城下則剿辦湖口已屬不敷調遣而北岸宿望潛太等縣尤須有得力之員協剿方無顧此失彼之虞查湖北按察使胡林翼識略冠時所帶之勇曾經訓練國藩前與督臣楊需往返咨商札飭該臬司帶勇二千駐防田家鎮外助大軍之聲援內固鄂省之藩籬中則接剿匪黨以靖輿治斷黃之餘孽酌留礮船以巡江楚接壤之河面該臬司接札後即馳至廣濟之武穴籌議設防事宜武穴去潯僅九十里等見因攻圍九江陸軍太單就近飛調胡林翼來潯助剿一俟克復郡城攻破湖口再行飭回楚境駐防田鎮至北路黃梅太湖等縣鄂皖毗連北通舒廬東接蕪望必須有重兵分布查鄂省有副將王國才都司畢金科樸實勇敢敢軍有法國藩咨商督臣楊需督臣卽酌撥勁旅札飭該副將都司交等調遣擬俟鄂省肅清卽由塔齊布督帶出境東征至皖省各員查有池甯太廣道何桂珍見帶勇千餘人督同已革知縣李沛蒼在六安等處防剿四品頂戴紉青亦帶勇至霍山疊准袁甲三函開該道等齊至英山俟等一軍入皖卽可會合進剿今等攻破黃梅已逾半月而何桂珍尙無來會之信見值剿辦喫緊急須併爲一軍乃能呼吸靈通首尾相應仰懇皇上天恩飭諭鄂省之王國才等皖省之何桂珍等概入此軍歸等調遣其所帶之兵勇由等簡汰分別辦理庶兵力稍厚於大局更有裨益上諭此次水陸官軍續獲大捷肅清潯郡江面見在大軍扼守湖口內外要隘九江逆匪首尾不能相顧可期卽日掃除會國藩塔齊布運籌決勝勦力同心麾下將士率皆轉戰無前爭先用命皆由會國藩等調度有方覽奏之餘實深嘉慰會國藩著賞穿黃馬褂並發去狐裘黃馬褂一件白玉四喜撒指一箇白玉巴圖魯翎管一枝玉靴小刀一柄火鏢一把交塔齊布祇領以示優獎補用守備朱南桂冒險衝陣連撲賊營著免補守備以都司補用升用遊擊臺添雲每戰摧鋒不避矢石著以參將升用其餘出力員弁兵勇卽著查明具奏候朕施恩○諭軍機大臣等會國藩塔齊布奏陸路兵單南北不能兼顧朕已早慮及此是以疊次降旨命楊需出省督剿北岸令陳啟邁派兵出江夾擊並桂明等不能得力准會國藩單衛奏及譚光宸趙如勝之兵均歸會國藩等調遣之諭原以皖鄂江西三省帶兵之員多有距本管營撫較遠而離會國藩大軍轉近者非事權歸一則呼應不靈隔絕推諉於軍情大有關係所有湖北臬司胡林翼所帶之勇副將王國才都司畢金科所帶之兵均著楊需飭令星夜馳赴會國藩等軍營悉聽該侍郎等調遣其和春等派出之已革道員何桂珍袁甲三派出之四品銜城紉青等見在樞城一帶諒因英山失陷是以未能南出潛太著會國藩卽行飛飭催提併歸一軍如有將弁桀驁兵勇孱弱者卽行認真簡汰不得稍存避嫌之見致一軍中強弱不齊轉費周折皖鄂毗連各屬昨已諭楊需移師前進迅速防剿著卽懷遵辦理由宿望潛太一路次第進攻並防逆賊由瑞昌擾竄與國轉出會國藩等大軍之後不得專駐楚境致成株守楊需帶兵出省後湖北省不免空虛著候克復九江後卽飭胡林翼帶兵回至楚境以資防堵江西逆匪昨據陳啟邁奏已於初五日竄聚吳城尙在此楚軍獲勝之前明